



64  
i  
u  
c  
P



# PROPOSITIO LEGATI

Serenissimi Ducis Neoburgici.

Serenissimæ Reipub Poloniæ, Magniq; Ducatus Lithu: Proceres & Ordines.

*Reuerendissimi, Excellentissimi, Illustrissimi, Perillustres,  
Magnifici, & Generosissimi Domini, Flos liberrimæ  
Nobilitatis, Fortissimi Equites.*



Nclitissimum & Augustissimū,  
hoc Regnum multa habere à Deo singu-  
laria, & Coronam Regiam Clarissimæ  
& Nobilissimæ Nationis propriis qui-  
busdam fulgoribus coruscare, quum  
non pauca sint quæ demonstrant, nihil  
tamen a quæ extra omnem dubitationem collocat, quàm  
Comitiorum ratio, inprimis autem Electio Regum, sem-  
per insignis generoso libertatis usu conspicua ac admirabilis  
& heroico veræ Nobilitatis actu planè incomparabilis.

Quæ propter hoc tempore, quo Optimus Rex, celesti  
iustitiæ, reliquum vitæ Deo soli impendendum, & inter-  
ualli aliquid inter curas sæculi, supremæque funera interpo-  
nendum esse, magno animo iudicauit; vniuersi Orbis expe-  
ctatio, non tam eligendi Regis merita, quàm eligenti m-  
cer silium ac providentiam intuetur, faustisq; ominibus  
prosequitur.

Peraeturi enim estis, Sapientissimi Viri, hoc opus toti

905006

A

Rei

II Maq. 8. 21

Bibl. Jagiell.

1562/16 (50)

X



Rei Christianæ præsidio ornamentoque futurum. Rex inuenietur qui est dignissimus. Optimus existimabitur & præclarissimo huic Regno utilissimus, quem summa huius Venerabilis Concilii prudentia ad Regium solium prouexerit.

Interim ad honorem Nobilissimæ gentis pertinet, quod Communis famæ iudicio, non nisi ingentis celebritatis Principes huic fastigio idonei destinantur. Sitque & maneat sua cuique quantacunque esse potest, laus & commendatio.

Qui verò æternitati & gloriæ Imperii Vestri, simul Vestræ Libertati, ipsemet quippè libertati innutritus & assuetus; & diutius studuerit, & maiore semper zelo fuerit addictus; vnus est Serenissimus Princeps ac Dominus, Dominus Philipus Wilhelmus Comes Palatinus Rheni, Bavariz, Iuliaci, Cluiæ, ac Montium Dux, Dominus Noster Clementissimus. Qui Regiæ huic ac Inuictæ Reipublicæ immortales profiteatur gratias, quod dignum censuerit, quem nunciato, per litteras Interregno, ad pristina pia erga Serenissimam Rempublicam, Patriam Vestram, & si nunquam intermissa studia, denudò amâter inuitaret.

Quod igitur Serenissimus Princeps Nos huc legauit, non fiduciâ sui, non spei duntaxat suæ, sed amplitudinis, reuerentiæ, & obseruantiz causa fecit, quâ se deuinctum agnoscit florentissimæ Genti; cui maxima quæque & plurima debēs, cupit plura debere, & maiora præstare.

Tum Serenissimæ huius Reipub: tranquillitati ex animo gratulatur, quod in his omnium penè rerum inclinationibus atque ruinis, vel supra omnium fidem, tanta est vt omnino ipsa sibi sufficiat. Augusta hæc Respublica, nisi, antiquo more, vnum caput, suapte sponte mallet.

Quum



Quum verò forinsecus, id adsciscere mens esse videatur,  
de gente circumspicietur, cuius indoles comoda sit, quæ  
Nobilitatem, & Libertatem solito curatius cum propu-  
gnet suam, tum ferat, ornet, augeat alienam.

Quod itaque Sapientissimi Poloniæ & Lithuanix Ma-  
gnates, Equitesque vni ac solis Excellentiarum, & Genero-  
sitatum Vestrarum auspiciis, votis, suffragiis, placitisq; fiat,  
vnde hic electio Regum vnicè pendet, Serenissimæ Reipubli-  
cæ amici optant, atque commendant, Serenissimum Princi-  
pem Nostrium, Ducem Palatino Neeburgicum, Polonum  
Vobis commendant, Lithuano Polonum. Non loco, sed  
sanguine, non natiuitate sed genere, sed origine. Non Pia-  
stum, sed Piastem bis Iagellonigenam, binarum Iagelloni-  
dum Coniugem, Filiorum quater Iagellonicorum Patrem.

Ortus is est è Vetustissima & Nobilissima Palatina Do-  
mo tot Imperatorum, Regum, Electorum, Heroum, Parente  
atque Nutrice. Cæterum ipse Iagellonis quadrinepos, filii  
eius Casimiri, bis trinepos, cum ex Barbara filia, tum è fi-  
lio Vladislao, Poloniæ Principe, Hungariæ & Bohemiæ  
Rege.

Nihili equidem hoc omne est, si ius spectetur, quod  
quippe nullum inde penitus est; Vobis tamen Sancta semper  
Iagellonis stirps, quin ne feminæ quidem ex ea neglecta.

Huc olim delatus Serenissimus Princeps, quantopere  
commendatus fuerit ab Vladislao Magno, plerisque Vestrum,  
Excellentissimi & Generosissimi Domini constat. Nunc  
quod Regia illius sorore, primâ vxore, & liberis ex ea caret,  
infelicius quidem, at nihilo factus indignior est, cuius me-  
minerit bonitas & benevolentia vestra.



Adderemus hodiernam Serenissimam Principis Coniugem, & Ipsam stirpem Vestram, nisi Vobis aliqua stirpis quidem, potior Virtutis ac Princeps cura esset.

Virtutis certe fuit, quod Serenissimus Princeps animū huc appulit, innocentissimo tamen Molimine, ac intra modum. In omni hoc rerū transitu noluit intempestuē spem consumere, iusto se tempori, imō voluntati Vestræ reservavit. Semper sincere sollicitus, ut libertati inestimabili & communi thesauro religiosissime & sanctissime caueretur. ut omnia licitis, æquis, honestis, placidisque mediis fierent, non per improba fœdera, non per Infideles, Barbaros, Tartaros, Cosacos, non per præcoces & malignas artes, non per cuiusquam præiudiciū, non per pravarum chartarū spargiones, idque genus meditamenta, qualia & audere & bonis Viris imputare indecorum & nefas est.

Vna placidissimo Principi cura, hæc charitas, hic scopus, Summi Viri, Vobis laborare Reipublicæ, ut Vos vicissim ipsi fauceatis, qui ut potē insolidum omnia Eminētissima huic Reipublicæ debebit.

Nullo is alio, nisi Vestro favore, nulla affinitate, nisi Vestra se commendat. Serenissimæ Reipublicæ amicorū commendationibus, pace Vestra, vititur. Solā Excellentiarum & Generositatum Vestrarum dignatione, indulgentiā, benignitate & auctoritate nititur vnicē, niteturque.

Satis superq̃, sibi sufficit Polonia. Rege ei opus, non tam qui multum afferat, quàm qui nihil auferat, nil deterrat, perfunderet. Qui iuxta cum omnibus suis solidè Catholicus sit. Qui res benè ordinet, Solerter amplificet, Generosè administret, Fructuose dispenset: Qui nulla, nisi

*Reip.*



Reipublicæ bella habeat. Qui pacem colat. Commercia  
instauret & disciplinam. Qui totus Vestrae spontis sit. Ne-  
mini obnoxius nisi Legibus. Impermixtus rebus alienis. Qui  
Regnum nouis periculis, priuatis prætensionibus, diffiden-  
tiis, simultatibus, æmulationibus, bellis denique non impli-  
cet. Qui sustentandis per se suis par. Nemini suspectus. De  
suo, sicubi opus, Vobis lenationi futurus, sine exprobra-  
tione; nunquam oneri sit. Qui cum ad seria ventū, omni-  
bus par negotiis, ingenio, iudicio, corpore, sermone, stilo,  
opere. Laborum tolerans, tractabili, compositio, culto sit  
animō, præclarā morum continentia, nec insciens bellare,  
nec appetens, maturus, consideratus, prouidens, affabilis, ex  
vso intelligens muneris sui.

Qualis an Serenissimus noster Princeps sit, Vestrarum  
Excellentiss. & Generos. Sapientissim. Viri, erit iudicatio.  
Experiundo sanè patebit, omnia iunctim Principi huic in-  
promptu fore, quæ ad propitiandum Genium Generosissi-  
mæ nationis spectant. Vnde felix Germanici Polonicique  
nominis copula, pari communis Libertatis & publicæ secu-  
ritatis ingenio auctorata, orietur, maximo huius Regni &  
vniuersæ Rei Christianæ emolumento.

Iagellonis utique Casimiri, Sigismundi I. fratris simul  
& sororis, proximam propaginem, Diui Sigismundi III  
Generum, Vladislai & Ioannis Casimiri Regum affinem so-  
roriū, si Excellentia & Generositates Vestrae velint, en ha-  
betis, maximi & optimi Viri! Principem Germano-Polo-  
num, Catholicum, iustitiæ, Æquitatis, Militiæ & Ciuium be-  
nè de Patria merentium, peramantem, nullis hostilitatibus  
implicatum. Linguarum Latinæ, Italicæ, Gallicæ, aliarū q̃;

sciens

Rcip.



scientem, nec Polonicæ inscium. Cui, per Dei gratiam, morborum expertus, compacta & profectò benè valens ætas. plerisque inimitabilis vigor. Cui venari, equitare; sub dio vivere, pars dietę imò medicinæ est. Cui florentes subsunt nec exiguae ad Rhenum & Danubium Ditiones atq; Principatus, non vnis millionibus, nec semel, sed quoties opus, intra breue tempus persolucendis; tùm, aliquot millibus bonorũ Militum parandis alendisq; pares. Quemadmodum multoties è terris Serenissimi Principis, fecundissimo fundo fontèque, integri Exercitus conscripti. diù seruati & in Campum educti sunt.

Qui Liberos nec plures huc adducet, neque aliis modis aut Conditionibus, quam ipsi voletis. Quibus nihil de bonis Reipublicæ Regalibus & Spiritualibus conferet, aut curabit conferri. Domi abundè illis est. à Vestris nutibus dependebunt. Sub optima nunc educatione, & deinceps facturi ad amussim, quicquid statuet Serenissimus Parens. Cui Leges Vestræ & volũtates pro moderamine erũt & omnis vitæ Regula. Qui Excellent: & Generosus: Vestrarũ se se placitis tantò magis aptaturus est, quantò plura maioraque dat pignora quàm optimè de Republica merendi. Iuuentuti Polonæ & Lithuanæ ad studiorum Exercitiorumq; cultum, capessendum, Colonia Agrippinæ & Ingolstadii sumptus suppeditaturus.

Quà pollet peritia, solertiã & dexteritate, effecturus, vt commercia fructuosissimè possint efflorescere.

Improbam ac mendosam monetam, suis impendiis fortitèr profligaturus.

Tria



Tria fortalitia, locis idoneis, Reipublicæ, placituris, ære suo extructurus.

Porrò Serenissimæ Reipub. si necessaria tempora id possulent, in subsidium adducturus, quatuor vel quinque milia peditum.

Tum si Reipubl: ex pactis recens conuentis suum non restituatur, indeque bellum Regno inferatur, Serenissimus Princeps Officiis studiisque suis, apud ceteros vicinos cognatos suos, fidelissimè præstabit, ut eorum opem & coniunctionem, utilem Reipublicæ aduersus illum tum hostem communem impetret, spe certa scetus, fore ut ea nullo modo desit, Omni quoque ratione, quæ Serenissimæ Reipub. opportuna videbitur, allaborabit apud Sacram Cæsaream Maiestatem, ac in Comitibus Imperii, ut & inde auxilia præstò sint, si à Turca periculum & bellum contra hoc Regnum aliquando moueri contingat.

Idem Serenissimus Princeps, Serenissimæ Reipublicæ vel sanguine suo inferuire cupidissimus, promptum se, corpus, & caput suum ad omnia, quæ in præsens & impofterum Regni salus, Amplitudo & Gloria poscunt, offert, atque ut Regnum oneribus leuetur, ad *unum* integrum *Annum*, Exercitum suismet impendiis alere, eius membris benefacere, cumque ipsis ipse, aduersus hostes Regni quoscunque alacriter prodire, vnà cum iis vtramque fortunam experiri & omnes vires suas periclitari paratus est.

Agite modò fortissima pectora, Libertate Vestra & prudentia, candore, iure, statuque vestro freti, spe, ambitu, æmulatu, omnes vnanimiter absoluite.

Prin-

Tria



Princeps noster est Ducatum suorum Possessor quietus,  
amantissimus suis. Dei metuens. Observans Legum. Vete-  
ris moris retinens. fidei seruans. amans sanè Libertatis & Mi-  
litis, Nobilitatis & Equestris Ordinis longè amantissimus.  
Senatorij per quàm reuerens. Pater est, Germanus, imò Po-  
lonus est. Multis nominibus vester est, Addite modò, quod,  
plenissimò Liberrimæ Electionis iure vsùque, Vos vnice  
potestis: & quod nos petimus, optamus atque vouemus.

In quo auspicato omine conquiescimus, & Deum pre-  
camur, Deum Fortem, Deum Pacis, Deum Consilij, vt  
eam Excellentiss & Generositatibus Vestris mentem  
indat, Spiritum Principalem; vnde cum pe-  
renni fructu, ac triumphali totius Impe-  
rii Sarmatici Gloria, Voti damne-  
mur singuli, exitu lætemur  
Vniuersi.





s,  
te-  
11.  
is.  
o.  
d,  
cè

e-  
vt



